



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 104. Pontificis statutum circa publica colloquia, & Festum Cathedræ D.  
Petri.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

fuerat, Peytius Regnum ingrediendi facultatem obtinuit, quin tamen ibidem ullo legationis suæ munere fungeretur; cum enim Poli innocentiam sibi omnino compertam haberet, ei semper eadem honorum obsequia, uti antea fecerat, præstare continuabat.

Sæc. XVI.  
A.C. 1557.

§. CIV.

*Pontificis statutum circa publica colloquia, & Festum Cathedræ D. Petri.*

Interea Guisio Duce Romam adventante summus Pontifex paulo post die vigesima tertia Januarii Purpuratorum Senatuum convocavit, in quo declarabat, quod a vigesima septima Januarii die horis pomeridianis quolibet Mense cujuscunque conditionis homines alloquium petentes publice admittere velit, ita tamen, ut Cardinales, Magistratum præcipui, & Judices præsentés assisterent, ac ipsemet, juncta cum ipsis opera petentium æquitati consulere, de rebus propositis deliberare, illataque damna reparare valeret. Verum ejusmodi Statutum, quamvis utilissimum, ac prorsus salutare foret, cum tamen Pontifici, ejusque consanguineis, qui plenam regiminis auctoritatem sibi vendicare nitebantur, permolestum accideret, haud diu vige-  
bat,

*Pallav. l. 14.  
c. 1. n. 3.  
& 4.  
Act. Consi.  
14. Jan. &  
15. Martii  
1557.  
Baillet vies  
des Saints  
tom. 1. fol.  
18. Jun.*

Sæcul. XVI. ac ferme eodem, quo condebatur, mo-  
A.C. 1557. mento abrogatum fuit.

Alterum hujus Pontificis decretum magis firmum concernebat festivitatem Romanæ Cathedræ D. Petri, quod festum Ecclesia die decima octava Januarii celebrare solet, cum priori tempore hæc solemnitas a festo Cathedræ Antiochenæ ejusdem Apostoli haud distingueretur, ac non nisi D. Petri Episcopatus, quin specialis Romanæ, vel Antiochenæ Sedis mentio fieret, ab Ecclesia coleretur: Attamen Paulus IV. singulari veneratione diversas hæc Sedes honorari, ac singulare festum de Romana D. Petri Cathedra institui voluit, eo fine, ut temeritas, inquiebat ille, hæreticorum reprimeretur, qui hunc Apostolum nunquam Romam venisse, propugnare audent. Eapropter Pontifex anno sequenti die decima quarta Januarii aliam edidit Constitutionem, qua Sanctum Petrum Romæ sedisse, ac ibidem Martyrium subiisse declarabat, ubi etiam utriusque articuli veritatem plurimis maximæ auctoritatis testimoniis comprobata reddebat.

§. CV.

*Decem Cardinales a Paulo IV. Pontifice creati.*

Idem